

19-12-1850

**AUGUSTINI CAPORILLI RAZZAE**

**PATRICIA NOBILITATE**

**SACERDOTIS CANONICI**

**SANCTAE ECCLESIAE ALATRINENSIS**

**HENDECASYLLABON**

**MONOBIBLOS**



**ROMAE**

**EX TYPOGRAPHIA VENUSTARUM ARTIUM**

**1850**

Digitized by the Internet Archive  
in 2016

# LETTERA

DELLA SIGNORA

ANGELINA CAPORILLI RAZZA

SOPRA

IL SUO FRATELLO DEFONTO

SCRITTA

AD UN PARENTE

---

*Sento che Voi desiderate da me schiarimenti intorno la vita del caro fratello Agostino. Solo a Vostra istanza e per condiscendere alle Vostre brame dirò qualche cosa per quanto me lo permette il ristrettissimo tempo che egli è vivuto con me. Nata come Voi ben sapete quando egli si può dire che fosse già Sacerdote non posso discorrervi di veduta dei particolari di quella prima età che dovette essere innocentissima. Come da lui stesso ho potuto ragionando raccogliere, i suoi trastulli erano con altri dell'età sua divote rappresentanze di funzioni e cerimonie ecclesiastiche. Fu da' Genitori mandato in Roma dove passò l'adolescenza colla guida di un savio precettore, che gli era sempre al fianco per difenderlo dai pericoli di quell'età inesperta. Entrato poi nel Nazareno vi compì gli studj e vi occupò in diversi tempi varie Cattedre, finchè si ordinò Sacerdote, avendo onorevol-*



mente sostenuto l'esame fattogli dal dottissimo Cardinal Litta e da altri cospicui personaggi.

Fu quindi chiamato in Patria maestro di belle lettere in Seminario, ma poco vi durò avendo dovuto lasciare il posto per dispiaceri cagionatigli da qualche non degno trattamento, che sovente è il premio, onde rimuneransi le fatiche di chi si occupa in bene del pubblico. Egli era poi di natura sensibilissimo. Rimessosi pertanto in Roma, a passarvi, diceva egli, gli anni del suo esilio, acconciossi per Cappellano nella corte de' Principi Barberini, ricusato l'onorevole incarico d'istruttore de' figli, e rinunziato ad altre promesse e favori di personaggi ragguardevoli, avrebbe certamente per ragione di abilità potuto aprirsi una miglior carriera, ma oltrecchè per natura schivo, e riserbato al sommo, mancava anche di certa tal qual vivacità di spirito. L'amore della patria e de' congiunti il condusse a cedere alle istanze degli amici e ad accettare un tenue Canonicato. Riprese con ardore la Scuola e la continuò vent'anni con assai successo, e avrebbe proseguito più oltre insegnando, se la malattia onde fu preso non l'avesse costretto a dismetterla.

Ritornato in seno della sua famiglia, cominciarono a bersagliarlo le traversie, nè a lasciargli più pace, e per primo la morte dei genitori, alla qual disgrazia fu sì sensibile, che al dir suo, il giorno specialmente della perdita della Madre per la violenza del dolo-

*re credeva che dovesse essere l'ultimo anche per lui. Da indi poi la sua sanità cominciò a decadere: le sincopi, i giramenti di testa, i languori di stomaco, la difficoltà di digerire e altri malori erano in lui continui, forieri del morbo che andava preparandosi, e sviluppossi più tardi. Fa meraviglia che un uomo con tanti incomodi potesse durare a tante fatiche, specialmente della Prefettura, che pur volle continuare sino alla morte. Era anche esaminatore prosinodale, e membro di varie Accademie della lucchese, dell'arcadia e dell'ernica, di cui fu pure vicepresidente. L'eccellenza sua nelle belle lettere voi ben sapete quanto fosse stimata. Degli endecasillabi leggete il giudizio che ne diede il P. Manzotti nella Lettera che vi mando inclusa in questa mia (\*).*

*Ma per dirvi più in particolare della sua vita privata, quali e quanti esempi di pazienza e di mortificazione non mi diede nella lunga malattia di quel colpo apopletico e mortale onde fu assalito, e dal quale poi per grazia del Signore si riebbe? Allora e dopo sino alla morte fra tanti acciacchi di salute e perdite di congiunti specialmente di un fratello e di una sorella tolti improvviso e fra amarezze ed altri disgusti non sapeva dir parola che sentisse dell'impaziente, e pareva che un'altro in lui, non già egli patisse, e andava ripetendo che in quella disposizione del suo fisico temperamento adorava gl'imperscrutabili di-*



segni di Dio, il quale per certo così disponeva pel suo meglio. Eragli una mortificazione continua lo stesso cibarsi, tanto era la nausea di ogni cibo e l'inappetenza che soffriva. Eppure durò così nove anni sempre rassegnato sfogando l'affetto suo verso Dio, che era un' edificazione l'udirlo.

Grande pure in lui era la carità del prossimo, e così malato mai non si ristette dal far quel bene che poteva. Procurava con raccomandazioni e buoni ufficj a chi un favore, a chi un'altro. Implorò il perdono a non pochi colpevoli, ed egli medesimo lo diede generosamente a persona venutagli in casa appositamente per insidiargli la vita e insultarlo con parole di vitupero. Come andasse un tal fatto, e con qual'atto eroico beneficasse il suo nemico, bisogna tacere per giusti riguardi. Soleva dirmi di frequente: Oh quanto la dilezione de' nemici è grata a Dio! vinciamo il male in bene, se vogliamo sperare misericordia dal Cielo. Aveva pure di se stesso sentimenti di umiltà, tenendosi sempre indietro, e nascondendo le sue cognizioni più che poteva, che al vederlo si sarebbe detto lui essere poco meno che un'ignorante. Quale sciocchezza (spesso mi diceva) è stata la mia di tener dietro per tanti anni a queste pazzie letterarie, che sono state per me vanità, passate qual fumo. Quanto avrei fatto meglio ad applicarmi ad altre cose di un maggior prò per lo spirito. Era così penetrato da questi e simili senti-

*menti che sopra tutto in questi ultimi tempi si deliziava della lettura del Sales, del Liguori, del Segneri, del Kempis, Crasset, Croiset e di altri.*

*Non fo parola dell'ultima infermità che durò otto giorni, e dei sentimenti di magnanima virtù cristiana con cui chiuse la sua vita mortale santamente, perchè Voi tutto questo ben conoscete. Morì nel vigore dell'età, di anni 52, mesi 4 e giorni 3, lasciando me nel dolore, ma colla memoria vivissima de' suoi esempj e virtù che non dimenticherò mai persino a tanto che mi basti la vita. Addio.*

(\*) Dentro P. X

Riverito Sig. Canonico

La ringrazio dell'onore fattomi nel darmi a leggere le sue composizioni, onore ch'io punto non meritava; insieme la ringrazio del piacere che mi ha procurato grandissimo nel gustare sì squisita eleganza di versi. Parlo con tutta la sincerità, ho trovato i suoi Endecasillabi bellissimi; e se vuol credere a me, non deve differire più oltre a metterli nella pubblica luce. Quanti v'ha che si diletino delle più pure grazie in fatto di poesia latina applaudiranno, non dubito, a'suoi pieni di vaghissimi pensieri e tersissimi nella favella che usano.

Al copiatore dee esser caduto un fallo nell'ottavo verso del primo Endecasillabo: veggalo. Non ho altro da farle avvertire, tranne la colpa di averci finora differita la stampa di questi suoi versi. Vegga di rimediare al mal fatto e presto e colla giunta di altre composizioni che non debbono essere senza pregio grandissimo uscite dalla penna a un latinista par suo.

Intanto aggradisca l'omaggio del libriccino che ho l'onore di presentarle. Dialo leggere a qualche giovanetto se possa essergli utile, e mi abbia in conto di suo umile servitore

Dal Coll. Romano il 1 Dic. 1847.

Teofilo Manzotti S. J.

Fuori

Al Rmo Sig. Sig. Proñe Colmo

Il Sig. D. Agostino Can. Caporilli

Alatri







1.

DE EXPECTATIONE PARTUS VIRGINEI

**L**ongas rumpe moras, Puella dive,  
Aeger sollicite petit decoram  
Lucem noctibus in laboriosis;  
Fluctus navita et inter obstrepentes  
Exoptat placidi salis quietem.  
Veni, bellule quid Puella cessas?  
Otium vagus inter arma miles  
Vesanos cupit inter et tumultus;  
Qui rores pluvios, iners geluque,  
Et flabrum boreae, nivesque abhorret,  
Ver quaerit tepidum, Puella dive.  
Veni, bellule quid Puella cessas?  
O Sol justitiae, fuges tenebras,  
Ventorum Arbiter, arceas procellas;  
Arceas fera bella, pacis Auctor,  
Purus ceu radius, jubarve purum  
Prodi Virgineâ Parentis alvo.  
Dies gratior ibit, Alme, nobis  
Instar veris, ubi tuum os coruscet,  
Tui et dulciculi micent ocelli.

## DE PARTU VIRGINIS

Bethlem heu ! Davidis urbs vetusta regis  
Tectum Davidicae negat Puellae  
Ferro durior, ac inhospitalis:  
O factum male ! O misella Virgo !  
Quae nunc lassula tristium viarum,  
Rigescens, nive, brumae et impotentis  
Acri vi, Comiti inque nixa fido  
Successit stabuli rudis latebris,  
Summi ut Progeniem ederet Tonantis.  
Divi sidereae domus Alumni,  
Eja praeceleri venite lapsu;  
Sordes vos tugurî obsoletioris,  
Umbras pallidulasque dimovete;  
Matris, et Pueri levate curas;  
Raptim vel potius supernam in Aulam  
Subvecti Puer, atque Mater alis  
Inferantur: Utrique caelicâ Aulâ  
Numquid dignius est, decentiusque ?

## 3.

## DE NATO DEO

Felices juvenes, adeste, adeste;  
Qui supercilio movet jacentes  
Plagas, oceanum, stygem, polumque,  
Et terret populos rubente dextrâ,  
Ille procubat, Ille vagit infans,

Postis fulminibus, timendà et irà,  
 Inter bruta specu sub Ephrataeo.  
 Quid non cogit amor Deum? Venusto  
 Talis guttula pendet uda oculo:  
 Qualis bacca nitens inhaeret Indis,  
 Rorem quae vitreum bibere, conchis.  
 Felices juvenes, adeste, adeste;  
 Infans quae petit, exhibete corda;  
 Sit candor, pietas, fidesque diis  
 Solamen lacrymis, sit et labori.

## 4.

## DE SS. INNOCENTIBUS

Ut corpuscula caesa per tyrannum  
 Herodem invidiâ furente raptum  
 Liquerunt Animae puerculorum,  
 Simul praepete pennulâ volarunt,  
 Infantique Deo tulere palmas  
 Lacte candidulo, et cruore tinctas;  
 Mox cunabula sanctiora circum  
 Ludunt, laetificos chorosque ducunt.  
 Ad Jesum glomerantur, ac labellis  
 Libant, sicut apes amica florum.  
 Ore sidereo beat Virago  
 Insontes Genitrix, beat triformi  
 Gnatus lumine, risuloque divo  
 Quare deserere invidenda nolint  
 Antra vel Superis. Moram at trahentes  
 Illas increpuit severus Abram,  
 Invitasque suum in sinum vocavit.



## DE D. ALOISII GONZAGAE IMAGUNCULA

AD PHILOTAM PUERUM

Haec, quam liliolis colo, rosisque,  
 Arulâque sacrâ, pioque thure,  
 Rogas, quem referat, Philota, Imago?  
 An non regia forma, regiumque  
 Cum sceptro diadema sat loquuntur?  
 Non et Angelici Chori triumphus  
 Tollentis fera lora, spinulasque?  
 Non quae Virginitas adesse gaudet  
 Flore tempora candido revincta?  
 Si ignoras Lodoicis est imago:  
 Num velis? Imitare Puritatem.

## DE EJUSDEM GONZAGAE TUMULO

Hic condit tumulus beatus Ossa  
 Gonzagae decoris juvenculorum:  
 Acclines, Socii, manuque plenâ  
 Demus lilia, demus et rosarum  
 Flores puniceos, sacrasque palmas.  
 Rosae, lilia, termitesque palmae  
 Ullin' plus deceat juvenculorum  
 Quam, qui candidior fuit columbâ,  
 Divinos aluit sinuque flammâs,  
 Ultro artus secuit flagris cruentis?  
 Purus Loisides Adae parenti

Saeclorum venientium per umbras  
 Si forte aspiciendus adfuisset  
 Ausu a faedifrago, magis magisque  
 Arsisset sceleris dolore tanti.

## 7.

## DE D. ANDREA AVELLINO

Solemnis mihi lux adest: agenda  
 Grates sunt mihi caeliti Patrono,  
 Quem Lucania protulisse gaudet.  
 Lauro depropera, Puer, corollas,  
 Nardum floridulamque, nariumque  
 Omnem congere copiam hinc et illinc:  
 Ornari omnimodis avet Sacellum;  
 Flammescant faculae, atque thura fument.  
 Andreae recolam diem sacratum;  
 Me Andreas avidae potens reductum  
 Mortis limine sospitat, tuetur.  
 O qua sol habitabiles nitenti  
 Vestit luce plagas, sit Ille sanctus !

## 8.

## DE BACCHANALIBUS AD COELIUM

Viden ? Nyctelio dicata Baccho  
 Fervent orgia, gestiuntque vappae,  
 Et quantum est hominum solutiorum.  
 Scenae hos magnifici juvant theatri,  
 Et convivia sumptuosiora;

Larva illos, trabea, aut lacerna mendax,  
 Et molles choreae thyonianaë.  
 Caeli, si sapis, hæc inepta vites,  
 Et quemcumque tibi diem benigne  
 Summus dat Deus, hunc velim fidelis  
 Apponas lucro, Amice, sempiterno.

## 9.

## AD EPISCOPUM HADRIANUM GIAMPEDIUM

ALETRINAM URBEM PRIMITUS INGREDIENTEM

Jucundissime Praesul Hadriane,  
 Dum passim volucres tuo vel ipsae  
 Adventu, zephyrique, rivulique  
 Gaudent; Hernica dum tuoque saxa  
 Respondent bene nomini; recepto  
 Et lacti saliant greges Magistro:  
 Velim magnum animum, tuaeque magnam  
 Mentis dicere vim sagacioris,  
 Caeleste ac studium, piosque sensus,  
 Os et aureolum, quod inquieti  
 Regina Adriaci maris beata  
 Sic fertur stupuisse, ut ipse custos  
 Antiquus leo blandiente lingua  
 Crus tuum attigerit, tuasque plantas.  
 Velim dicere cana quae Sionis  
 Sacro in vertice lilia educasti.  
 Tibiam cohibet Camaena at acrem.  
 Negat tendere barbitonque Apollo.  
 Nam male est, Pater, et laboriose,  
 Male est filiolo tuo misello !



Ut arbuscula, quam pruina coxit;  
 Ut flos langueo vomere ab rigenti  
 Contusus, rapido aut peresus aestu,  
 Cum sol aridulos hiulcat agros.  
 Quare Hygea mihi assidet, jubetque  
 Me sequi Harpocratem, sequi et Vacuam  
 Hoc sed me recreat, pares nec ullas  
 Laudes esse tibi, verende Praesul,  
 Nec aptas meritis; silentiumque  
 Praestare eloquio elegantiori.  
 Nam quis carminibus satis celebret  
 Virum, quem aurea Charitas honestat,  
 Clarat quem labor et Xaverianus,  
 Rerum maxima suspicitque Roma?

## 10.

## AD R. P. FRANCISCUM LOMBARDUM

ORD. MIN. CONVENTUALIUM

Lombardo veteri meo sodali  
 Maximas velim agas, papyre, grates.  
 Nil urbanius est, venustiusque  
 Lombardo veteri meo sodale  
 Vix novit mea vota, laeta fecit;  
 Scripsit nam tragicum mihi poema,  
 Plenum roboris elegantiaeque,  
 Quod legens stupui, et stupens relegi;  
 Quin et mente novâ, micante corde,  
 Nemus visus agi sum in Antianum  
 Horrens turbinibus, malis tenebris,  
 Et mestis ululatibus ferarum,

Fulgure et tonitru frequentiore.  
 Arrecti mihi adhuc rigent capilli!  
 Territis bijugis, amiculique  
 Moerentis, comitumque lacrymantum  
 Visa est rheda mihi luto in tenaci  
 Inter praecipitem poli ruinam.  
 Morte heu! exitium minante, vidi  
 Nuptulam ipse novam viro gementi  
 Complexu in tenero applicare collum  
 Instar languidulae rosae per aestum;  
 Vidi pallidulum meum supinas  
 Lombardum ad Superos manus ferentem:  
 Versu nos adeo potente lusit  
 Carus Pieriis vir ille Divis!  
 Doctus, jupiter, est poeta, multisque  
 Antistes bene millibus poetis.  
 Quare haec Phaebicolae, papyre, dices:  
 Fusconi tibi plaudit Umbra, cedit  
 Villardus tibi sertum Apollinare;  
 Tibi ingens Aligheriusque ridet.

## 11.

AD AMPLISSIMUM VIRUM

MARCUM JOANNEM PONTA

C. R. S. DE DIVINO ALLIGHERII POEMATE PRAECLARE MERITUM

O lux Aemilianidum, Sophiae  
 Cultor, Marce, potens latentioris,  
 Quaenam pro meritis tibi rependam  
 Laudum munera? Non, opis profecto  
 Non est rusticulae Hernicùm Camaenae

Efferre ingenium tuum profundum,  
 Quo, ceu sole novo, malae tenebrae  
 Procul diffugiunt, poematique  
 Tandem redditur Alligheriano  
 Nativus color, et decora forma.  
 Ut Cerrutius ille noster, aequae  
 Dilectus Themidi, catae et Minervae,  
 Dedit mî tuum opusculum legendum  
 Doctum, jupiter, atque ponderosum,  
 Raptus laetitiâ: valete, dixi,  
 Nuper deliciae meae, valete  
 Commentaria, quot quot estis, instar  
 Omnium est mihi, Ponta quem colendus  
 Scripsit, aureolus novus libellus:  
 Nam quis Mercurialium Virorum  
 Non plaudat tibi lucide explicanti  
 Et facundiâ et eruditione,  
 Quae mens alta sit optimi Poetae  
 Guelfi, dum sapientiam perosus  
 Insanam studet unus Italogum  
 Gentes ad meliora concitare  
 Sic, ut sceptrifero Duci supremo,  
 Sancto et Christiadam Patri obsequantur,  
 Roma queis eadem beata sedes?  
 Rerum haec summa: fluit quies amanda  
 Hinc, et hinc bona cuncta sempiterna.  
 Testantur tria regna, Styx, Polusque,  
 Mons horum et medius piacularis;  
 Crescenti huc face noctiluca Phaebe  
 Spectat, huc jubar igneique solis,  
 Quin et vertagus insecutor acer,  
 Et regalis avis tenens superna,



Vivax plantaue, gryphus et bisformis,  
 Et quid quid varie Poema fingit  
 Pol! mirabile, maximum, sacrumque.  
 O Interpres celebrande, dic amabo,  
 Tene deveniens nitente Olympo  
 Arcana docuit negata multis  
 Dantes? An potius laboriosâ  
 Novisti abdita lucubratione,  
 Electissima scripta comparando  
 Vatis propositi oppido tenacis?  
 Rossetti fremat umbra, Fusculique,  
 Et quantum est scelerum procaciorum  
 Torquentum male cogitationes  
 Pias, Relligione clamitante.  
 Rectum pandis iter, diserte Marce,  
 Quod mî carpere erit bene, ac beate.  
 Jam qui pone subit, nec errat anceps,  
 Nec calles premit impeditiores.  
 Laetor munere, gaudeoque tanto,  
 Quo fauste Italiam beas: quid ergo?  
 Quot sunt carmina dia, quae potenter  
 Dantes condidit, ipse quotve Dantes  
 Lectores numerat per omne saeculum:  
 Tot grates tibi ago volens lubensque.  
 Me tibi usque habe et usque dedicatum:  
 Quod si versiculos meos amico  
 Benigne excipias legasque oculo  
 Sublimi feriam vel astra fronte.

## AD CL. P. RAPHAELEM SCARAMUCCIUM S. J.

Adsunt laetitiae dies beatae,  
Audin? Signa poli ferit superna  
Questu perpetuo revinctus arcte  
Capus praemetuens sibi suisque,  
Queis fraudi otia sunt, obesitasque  
Magis, quam Lacedaemonis colonis.  
Tristis nam male poena feriat  
Illis exilium, hisque nex paratur.  
Matris ubere balat agnus insons  
Avulsus, tremulâ haedulusque voce.  
Vides ut subeant domos superbas  
Urbisque, oppidulique gestientis  
Crebris munera concupita votis?  
Ad te quid, Raphael amice, mittam?  
Non, quae praevalidos Catulliani  
Dentes vult sibi conterenda Furî,  
Duram amygdalinam dapem, tigilli  
Instar quadrifidi, magis petitam  
Lothove, ambrogiae fabulosâ,  
Cum tectoriolo suopte glaucum  
Beryllum referente, vel pyropum,  
Vel mire simulat quot ars colores;  
Non quos dat nucleos odora pinus  
Melle arundineo simul coactos;  
Non bellaria, non pilasque dulces  
Quas Sulmo eximiâ rotundat arte;  
Non mustacea, nec probata liba,  
Quibus Parthenope rates fatigat.

Sordent deliciae tibi severo,  
 Gaudes carminibus, lyraeque cantu,  
 Sollers ipse lyrae. Darem, subesset  
 Vigor si mihi pristinus, sed eheu !  
 Languet ingenium, manusque torpet  
 Nunc tantum misero preces supersunt.  
 Divinum precibus petam Puellum,  
 Preces subnitido specu intregabo,  
 Sancti ut Lamechidae tibi det annos,  
 Venam servet et ingenî benignam:  
 Satin? Gaudia donet aeviterna:  
 Nil est ominibus queat quod addi.

## 13.

## AD EUMDEM

Ut tuum nec opinus ipse munus  
 Accepi pretiosius vel auro,  
 Tibi mutua reddidisse avebat  
 Mens mî praetrepidans, et incalescens.  
 Verum extinguitur ardor ille vix dum  
 Excitus, rigeo geluque inerti.  
 Congesto haud secus hinc et hinc acervo  
 Sicco e stramine per jocum puelli,  
 Si forte igniculum applicent et afflent:  
 Laeta flammula suscitatur, at non  
 Illam transiliunt prius puelli,  
 Quam late in cineres nigros resedit.  
 Quid, quod Pallados acris aemulatrix  
 Mutam, pulvereo situque foedam  
 Barbiton retinet sagax Arachne,



Circum Daedaleo supraque textu  
 Nectens insidias, dolos et hosti?  
 Res ingrata mihi, sed otianti  
 (Nam quid restat adhuc nisi otari!)  
 Non numquam lepidos ciet cachinnos:  
 Quippe muscula, quae vagatur usque  
 Tentans omnia permolesta et audax,  
 In quo cursitat inquieta rursum  
 Prorsum, et tinnula mordet ore fila,  
 In casses temere incidit paratos,  
 Quibus se nequit expedire, quamquam  
 Nil non efficiat misella: demum  
 Vovet murmure surdiore diris  
 Myodem, Idmoniam puellulamque,  
 Quin ipsam citharam male ominatam, et  
 (Quod nolim) citharâ malâ potitum,  
 Vita dum per iter tenebricosum  
 Indignans eat imprecansque ad orcum.  
 At quorsum haec? numeros meos pedestres  
 Ne culpes rigido notesque ocello.

14.

## AD EUMDEM

Me ne amicitiae ferire tecum  
 Foedus non potuisse, agebat aetas  
 Cum ver floridulum, lyraque amicis  
 Multis carmina multa dividebam?  
 Venustissime Romuli nepotum,  
 Gnavus, crede mihi, in dies et horas  
 Non desissem oculos tuos, et aures

Delassare poematis trecentis  
Licet rusticulis et inficetis.  
Me juvat miserum modo silere:  
At dic versibus optimis, amabo,  
Non responsa seram tuis vicissim?  
Dicam paucula, nec diu morabor  
Pressum pondere te negotiorum  
Hercle pergravium salubriumque.  
Quod Ignatiades ames pusillum,  
Mihi, haud mentior, est bene ac beate;  
Quod me sollicites modis venustis,  
Ut te conveniam subinde, magnas  
Gratias ago, maximas habeo.  
Meâe o pars animae, citus vorarem,  
Firmo corpore, viribusque firmis  
Viam, quo alloquîis tuis bearer  
Plenis jupiter ! eruditionis,  
Et quo Lojolidas tuos sodales  
Coram percolerem obsequens verensque.  
Quando id non datur, ac abesse certum est:  
Scribas saepius, et scias amicum  
Musâ mirifice tuâ juvari,  
Jucundissime: caeterum valeto,  
Clementes Superos et apprecator.  
Ut post navisfragi maris procellas  
Multos per scopulos, ferasque syrtes  
Portus arripiam beatitatis.

DE AMPLISSIMO CARDINALI ALATRINATE

HUGONE RAYNALDIO

Hugona, o Juvenes, Juvenculique,  
Civem magnanimum, impigrum ad labores,  
Olim purpurei jubar Senatus,  
Chartis non ego jam meis silebo.  
Illo num melius per acta saccla,  
Aut majus tulit Aletrina tellus?  
Quid belli mediusque pacis Idem  
Posset, perdidicit Garumna et Ister:  
Notus plus animi pii in Parentem  
Sanctum Romulidum. Jacebat hoste  
Obsessum Capitolium furenti;  
Spes heu! nulla Gelasio salutis,  
Nullum est effugium: ore noster Heros  
Haud pallet, senio obsitum, maloque  
Tremiscentem humeris subit, scelestis  
Raptumque ex jaculis per imbrem et umbras  
Servat, dulce onus Ardeaeque credit.  
O factum bene! O Virum canendum  
Forti pectore, fama quem superstes  
Fert pennis metuentibus resolvi!  
Vobis propositum sit usque magnum  
Exemplar, Juvenes, Juvenculique.

## AD SEMINARIJ ALETRINENSIS ALUMNOS

IN SOLEMNI PRAEMIORUM DISTRIBUTIONE

O non degeneres avum potentum  
 Quot cyclopea sustulere saxa,  
 Quae et Pelasgiadum urbium aemulantur  
 Et miracula Memphidos superbae;  
 Seu quot tergemini tulere honorem  
 Jam cum maxima res stetit Quiritum;  
 Sollertes Juvenes, tenebricosas  
 Curas eximite, explicate frontem  
 Sudore humidulam nec indecoro.  
 Dexter quae statuit petenda Praesul,  
 Vestra praemia sunt, decusque vestrum.  
 Vos non otiolum, quiesve mollis,  
 Non lusus tenuere, litterarum  
 Currentes stadium, sagaciores  
 Vel Schaeneide, quam fefellit aurum,  
 Victricem Hippomeni deditque victam.  
 Macti ergo ingenio, ac alacritate.  
 At vos interea, joci invenusti,  
 Torpor, somnule, nugae et inlicitae  
 Abeste: hic labor, aemulatioque.

## EX EPIGRAMMATE BETTINELLIANO

DI DUE GEMELLI MADRE ETC.

Foetus me geminos dolore matrem  
 Connixam abstulit heu dies avara!  
 Mecum huc ad Styga vitae it alter exors;



At patri misero relictus alter,  
 Cum solamen utrique, tum voluptas.  
 Movit flexanima Atropon querela,  
 Fatale et doluit scidissem stamen;  
 Aures bellua centiceps nigrantes  
 Demisit miserans, et ora pressit;  
 Illam portitor aeger et recepit  
 Charon subtilis alveo carinae.

18.

### AD ANDREAM DE COMITIBUS PILA

SPOLETINUM, CAMPANAE PROVINCIAE PRAEFECTUM

Suavis floscule Praesulum sacrorum,  
 Andrea, decus Umbriae vetustae,  
 Partus Virginei redit beatum  
 Festum; Christiadum magisque motus  
 Gliscit et magis in dies et horas.  
 Miti servus hero, cliens patrono,  
 Parenti soboles, amico amicus,  
 Et gens subdita Principi lubenter  
 Optata omnia, faustaue oinantur.  
 Quid, quod litterulis lepore comi  
 Refertis, facili elegantiaque  
 Nuntiant sibi plurimi salutem?  
 O Praesul mage vel mihi trecentis  
 Dulcis Praesulibus, quid ipse tecum,  
 Cujus ingenium peracre miror,  
 Virtutemque gravem, et sagacitatem?  
 Communi officio vetor silere,  
 Jubetque officium Tibi salutis

Me felicia verba scriptitare:  
 At cum non levium negotiorum  
 Geras sarcinulam, et laboriosas  
 Campani populi regas habenas;  
 Paucis me expediam. Puellus ille,  
 Quem nunc gens hominum fideliorum  
 Exposcit studiis, piisque votis,  
 Dexter adveniat Puellus ille,  
 Natali placidus dieque hiantē  
 Ad Te rideat, obsecro, labello;  
 Largus det bona multa, detque Patrum  
 Aevum primigenū usque et usque felix.  
 Nil addam his: tyrio decorus ostro  
 Cum solutior otio frueris,  
 Te canam, et tua magna facta, Praesul  
 O clarissime, pleniore plectro.

## 19.

## AD PETILLIANUM

En autumnus adest diu petitus  
 Votis: nectareis laborat arbos  
 Ficulis; volitant aves gulosae  
 Circum lactificos supraque ramos,  
 Et subtus, tacitā sagacitate.  
 Si quam languidulam, tenacibusque  
 Forte lacrymulis latere cernant,  
 Scisso et cortice: ter quaterque tundunt  
 Illam vulnifico hinc et inde rostro,  
 Dulci ut viscera melle dulciora  
 Donent ventriculis. Adeps retardat

Jam gliscens rapidissimum volatum.  
 Cessas, docte Petilliane, cessas?  
 Nec tubus melior Cydonis arcu  
 Ductus ex chalybe, igniariumque  
 Tersis sordibus et situ coruscat?  
 Tandem rura vocant: geratur acre  
 Bellum ficedulis nitro atque plumbo;  
 Tormentum expedias, sonentque valles  
 Disploso tonitru. Videre jam jam  
 Passim fulminibus tuis peremptas  
 Alites videor solum tenentes;  
 Stupent jam Dryades, vagae et Napeae;  
 Pan, Faunique canunt: io triumphe!  
 O vere celeberrimum triumphum,  
 Te praedae bona partiente mecum!

20.

## AD EUMDEM

Hesterno repetens die penates  
 Solem sub medium, Petilliane,  
 Incidi in puerum tuum, sinistro  
 Qui insertum cubito statim quasillum  
 Detraxit, mihi praetulit, tuoque  
 Dixit nomine plurimam salutem.  
 Vidi ut ficedulas obesiores,  
 Amotis foliis et involucris,  
 Amens exsilui manusque tollens.  
 Aedepol geniale dulce munus!  
 Clamavi, pueroque rusticano  
 Gratus applicui osculum rotundum.

## AD EUMDEM

Nam cui non avidam gulam lacessant  
 Cum pectuscula delicatiora,  
 Tum lumbi patulique cereique  
 Parvularum avium, Petilliane?  
 Queis assis, si elelisphacos virescens,  
 Frusta et condierint resecta pernae,  
 Tritae cum cereris salisque micis,  
 Num quid lautius est, suaviusque?  
 Dic, si pro aureolo micante pomo  
 Divae propositum venustiori  
 Mensâ in Peliacâ bolum fuisset  
 Scitum ex his avibus ciens saporem:  
 Quaesitus ne diu Paris per Idam?  
 An non continuo stetisset illic  
 Judex quaeque sibi e Deabus illis?  
 Traxissent, reor, optimis refertam  
 Lancem ficedulis Venus, Minerva,  
 Et Juno male garrulae vicissim,  
 Vulsisque ambrosiis comis vicissim  
 Dias unguiculis genas notassent.

## AD EUMDEM

O tandem valeat mihi coturnix,  
 Gassita, et scolopax, anasque pinguis,  
 Turdorumque genus, palumbiumque,



Et quantum est avium celebriorum!  
 Vos valete dapes Apicianae:  
 Tantillae rapidissimae volucres  
 Me Craeso faciunt beatiorem.  
 Quare saepe alias tuo sodali  
 Cor meum, mea lux, Petilliane,  
 Mittas atque alias, erisque, crede.  
 Actaeon, Cephalus mihi, ac Orion,  
 Vel si malueris, nec abnegabo,  
 Venatrix, nemorum potens, Diana,

## 23.

IN QUEMDAM SE DE REGIO PTOLOMAEORUM GENERE  
 JACTANTEM

Nunc est impedienda frons virenti  
 Palmâ, Nile Pater; manus ferendae  
 Nunc ad sidereas plagas supinae.  
 Tantum tene boni latere? Tanta  
 Te ne expertem et adhuc beatitatis?  
 Jam non est Ptolemaeidum vetustae  
 Lux extincta domus. Manent triumphis,  
 Atque, optabilius quod est triumphis,  
 Manet te decus optimum, novumque.  
 Spirat, spirat enim, beate Nile,  
 Vir auctore genus trahens ab illo,  
 Qui tenens Phariam tyrannus urbem  
 Fertur marmoream extulisse ad astra  
 Princeps turrim, ope Sostrati sagacis,  
 Nautis unde jubar tenebricosam  
 Per noctem foret, infremente fluctu.

Regum hac progenie inclutà potentum  
 Quid non, o Pater invidende, speres?  
 Memphis, crede, avibus bonis resurget:  
 Quas jam Tardipedi Dei furenter  
 Mavors bellipotens dedit cremandas,  
 Non desiderium tuum ciebunt  
 Ultra Palladiae aureae papyri.  
 O gaude, aggeribusque, Nile, ruptis  
 Excurrens iterumque, tertioque  
 Nunc Pelusiacis, Canopiisque  
 Reddas littoribus feracitatem.  
 Nam cum sinistra tacent, tacent cachinni?  
 Apis laetifico sacer boatu  
 Montes impleat, impleatque valles;  
 Io bucula mugiat jocosa,  
 Festiveque latret, strepatque Anubis;  
 Balet cornibus et timendus Ammon;  
 Cruore et Crocodilus abstineto.  
 Jam dent laetitiaeque signa Galli,  
 Feles candidulaeque, musculique;  
 Et caepe, et capitata porra; sancto  
 Quantum et sub lare nascitur Deorum  
 Quantum nascitur et Deorum in hortis.

## 24.

DE ACERBISSIMO FATO CATULI, CUI NOMEN NIGELLO

AD R. D. CANONICUM TRULLIUM

Hoc ergo immedicabilis podagrae  
 Restabat miseris, Amice, rebus,  
 Ut solatiolum tuum et voluptas

Ad umbras erebi Nigellus iret?  
 O factum male! o miser Nigelle!  
 Quo quinam mage blandus ac fidelis  
 Extitit catulus, vel esse possit?  
 Cupisset sibi quisque vel talento  
 Habere: illecebris suis trahebat  
 Is tantum pueros, viros, senesque;  
 Nec usquam obsequium negabat ulli.  
 Lugete, o Charites, comis solutis,  
 Mellitum, lepidum, decorum alumnum,  
 Vosque jam comites, joci venusti,  
 Cedite hinc, licet, abstinete risu.

25.

## AD EUMDEM

Eheu! flosculus ille bellulorum,  
 Nicolae, canum occidit Nigellus,  
 Qui dulcem dominum usque deperibat.  
 Te cum arthritide lectulus teneret,  
 Lectulum ille cito obsequens petebat  
 Assultu, luteis subinde pingens  
 Plantis lintea cana et huc et illuc.  
 Quaesivit quoties odor ille  
 Gressuum cupide notas tuorum  
 Ultro quadrupedans citroque! Nactus,  
 Sese proripiebat instar euri,  
 Et nectebat hero obuius reperto  
 Multas blanditias, jocosque multos.  
 Si quando gravioribus vacares  
 Sollertum studiis scientiarum

Mensae vivificae immemor paratae;  
 Doctrinae ille sacrarium subibat  
 Erectus caput, atterensque caudam,  
 Festivasque trahens ab ore voces  
 Te ad coenacula gestiebat ire.  
 Quod si inexaturabilis librorum,  
 Ut mos est tuus, heluo sederes  
 Plus aequo: impatiens solum inquieto  
 Tundebat pede, questu et acriore  
 Urgens auriculas, tuam avocabat  
 Mentem sic, foret ut necesse abire:  
 Ah! quando invenies parem, Sodalis?

26.

### AD EUMDEM

Invidit tibi proh! severa Parca,  
 Nicolae, venustulum Catellum,  
 Quies unde animo serenitasque,  
 Seu libris vacuus fores repostis,  
 Mensis sive recumberes diurnis.  
 Nam quae gaudia, quive erant cachinni,  
 Avaro catulo fugante vernam  
 Quoquoersus et allatrante felem?  
 An non cernere erat voracitatem  
 Diram, ac ingluviem illius profundam  
 Incumbentis et ossibus, patellae et  
 Unctae, nectareis cupediisque?  
 Si forte objiceres quid ipse feli  
 Confectae macie: illico duellum  
 Ardebat rapidum, nec expiandum,



Adhuc quod videor mihi videre.  
 Aelurum insequitur minax catellus  
 Circumquaque premit, feritque rictu  
 Collum fulmineo, latusculumque;  
 Gannituque feroculus lacescit.  
 Quid *μισοσυμνος* horret hostis? Iram  
 Proflat quid tumidam, pilo rigente?  
 Finem tunc habet efferata pugna:  
 Cum raptam catulo dapem risignat;  
 At at praelia desiere, Amice,  
 Perjucunda tibi! Nigellus cheu!  
 Liquit ille tuus Nigellus auras!

27.

## DE EODEM CATULO

Obscene ah! male sit tibi, molosse,  
 Dente qui rabido necem intulisti  
 Saevam bestiolae venustiori,  
 Nunc desiderio mei sodalis!  
 Ipse nil miserans Charon, biremis  
 Dux ferrugineae, Nigellum amavit,  
 Ut primum est tuitus, sinuque fotum  
 Pressit suaviolis, nisi quod isthic  
 Tot rerum vice percitus novarum,  
 Aspectu ac Stygiae paludis amens,  
 Nondum deposita ferocitate,  
 Ausus irruere est Dei in benigni  
 Malas setigeras, et hora morsu,  
 Inscius quid Is esset, aut valeret  
 Risit Portitor impotentis iram,

Tum fuligineo arctius lacerto  
 Vinctum munere Manium silentum  
 Regi tradidit: ipse Dis habendum  
 Dilectae sibi Conjugi dedisse  
 Fertur, delictum perenne Divae.  
 Jamque sub Dominae nigrante sede  
 Orci cum cane janitore ludit,  
 Quin et a cane lingitur trilingui.

28.

## AD ICTYUM

Te Divum quis iniquus egit, ut me,  
 O dulcissime, diceres poetam  
 Laude atque afficeres boni poetae  
 Illo illo ambrosiis suaviore  
 Favis carmine, quod mihi dicasti?  
 Doctam ut rumor iit repens ad Ascrum,  
 Risit, perstrepuerit corona vatum;  
 Euterpes calami, Polymniaeque  
 Fides conticuere garrientis;  
 Phoebus vociferans tumente labro,  
 Ac tundens pedibus solum, negavit  
 Honoram citharam mihi dedisse.  
 Et unquam inseruisse me poetis,  
 Poenasque intonuit fremens, pependit  
 Quas olim soboles Hyagnis audax

## AD EUMDEM

Dî magni horrisonum et vagum tumultum  
Latoi, ac Aganippidum furentum !  
Non secus celeri aequor aestuosum  
Miscetur boreae impetu ruentis,  
Quo summam comitum leves per undam  
Cessant Oceanitidum choreae.  
Ne me ficta loqui putes: dicaci  
Ut solatiolum daret popello  
Momus haec ait, ore Momus atro  
Carpens terrigenas Deosque celsos.  
Id factum bene, dic, rogo, videtur?  
Tuâ nunc operâ poeta ludor.

## AD EUMDEM

Lex amicitiae jubet, libenter  
Et ludibria me pati, et cachinnos,  
Thymbraei et stomachum gravem minacis:  
Quare nil moror. Est vel aequa merces,  
Abs te quod peramor, tuique grati  
Versus mnemosynon perenne amoris  
Erunt improbulique, blandulique:  
Pervelim tamen hoc scias: abibit  
Non, non sic, mihi tale nil merenti  
Si laudes tribuas, Amice, posthac:  
Namque par referam pari; poema

Scribam perpetuum, modestiaeque  
 Inferam eximiae tuae dolorem  
 Et laudum est seges, hercules, abundans!  
 Quippe te docuere adhuc puellum  
 Fotum Naiâdes sinu venustae  
 Divini numeros modosque Flacci  
 Ad oras procul Aufidi sonantis.  
 Te circumvolitabat accinentem  
 Cynûm vis sacra, scituloque pennis  
 Applaudens, hederamque, laureosque  
 Ramulos, amaranthinosque flores  
 Collatos Heliconio e vireto  
 Rostellis tibi muneri ferebat,  
 Si istaec a puero, quid in juvena,  
 Aetate aut media accidisse dicam?  
 Quapropter cave, belle mî, valeque.

## 31.

## AD CL. DOMINICUM CANONICUM MORRICONUM

Sacerdotii honos, Anagniaeque  
 Urbis, quam veteres novique Fasti  
 Clarant, candide Morricone, ocelle:  
 Pelignae fugiens acuta brumae,  
 Diram ac esuriem ecce nuntiator  
 Ascaules redit optimi dierum  
 Cum tibicine, qui docent modorum  
 Alternâ vice silvulas et arces  
 Jësum resonare nasciturum.  
 Laetantur pueri, cient cachinnos,  
 Et vagi saliunt modo huc modo illuc;



Quippe precipiunt cupita diae  
 Noctis gaudia, blandulosque ludos;  
 Quin et crustula dulciora, strenam,  
 Et spectacula mira, queis fruentur,  
 Bethleam casulam fabrâ arte fictam,  
 Arva florea, et herbulas nitentes,  
 Colles, fonticulos, lacusculosque,  
 Agnos et nivei gregis magistros,  
 Cum pingui vitulumque matre, primis  
 Cui frons turgida cornibus, bubulcos,  
 Et Reges Arabum pios, Sabaeque,  
 Et furvos populos, et hinnientes  
 Equos, et dromadas citatiores.  
 Verum istaec pueri calente corde  
 Versent: officium jubet salutis  
 Verba candida, et ominationes  
 Me praeferre tibi Viro merenti,  
 Non ut obsequar usui obsoleto,  
 Miranti ast animo chorum venustum  
 Virtutum comitum, quibus refulges,  
 Opesque omnigenas scientiarum.  
 Quare audi mea dicta, longiore  
 Nec te circuitu diu morabor.  
 Quae natalia festa sol reducit,  
 Anni mensibus integri volutis,  
 Sint jucunda tibi, tibi beata;  
 Tum tibi redeant et usque laeta,  
 Quot annos cupiunt propinqui, amici,  
 Quot ipse a Puero Deo precabor,  
 Haec sunt, quae Caporillius facessit  
 Vota, crede eadem esse Trulliana.

## DE PIO IX

AD SUMMUM PONTIFICATUM EVECTO

Cressâ ne careat notâ dierum  
 Haec pulcherrima, lyraeque cantu.  
 Tandem vota Deus precesque clemens  
 Exceptit populorum ab arce Olympi,  
 Rectoremque dedit, Patremque mitem.  
 Nam quis tristia pertimescat ultra?  
 Dulcis pandit Amor fores ahenas  
 Turrium, miseris secaturque lora.  
 Prodeat reduci viro marita  
 Miscens blanditias, et ore natus  
 Libet suaviola obvius parenti.  
 Ridet Pax animos amica jungens,  
 Orbe et composito Pius triumphat.

IN CAEDITIUM LYCUM PESSIMUM TONSOREM

Caediti Lyce, gloriose tonsor,  
 Non belle uteris arte, quam celebras:  
 Audi, linteolum explicare tritum,  
 Olens quod male delicatiorum  
 Corruget teretes utrinque nares,  
 Motu praecipiti liquore spumans  
 Smegma, quod temeret decorum amictum.  
 Incurratque oculos repente, et aures  
 Bullis prosilientibus catillo;

Ori haud indecori admoveere palmas.  
 Reddunt quae muriaticos odores  
 Halecum putriumque salgamorum:  
 Nimis sordida res et invenusta est.  
 Quid, quod dentibus inseris superbis  
 Pollicem digitum, indicemque foede?  
 Obscenum est vitium, minus ferendum  
 Aegris nauseolam ciens fluentem.

34.

## IN EUMDEM

Nam quid feci ego, cur misellus abs te  
 Tot saevis cruciatibus retenter?  
 Nudum vix jugulum tibi glabranti  
 Suppono, inficit albus ora pallor,  
 Solvuntur subitoque contrememes  
 Artus frigore. Plumbeà gravatum  
 Volà sinciput injicis retrorsum,  
 Tentis cruribus hic utroque versum;  
 Et supercilio altius levato,  
 Incumbis super emicante ferro  
 Totus, haud secus ac forem exuendus  
 Pelle; et prominulum modo labellum,  
 Modo vulnifico ferire cultro,  
 Argutae simili per omne serrae,  
 Non cessas genulas, manu severa  
 Quas ceu forcipe distrahis tenaci.  
 Undique interea fluunt cruenti  
 Rivuli, dolor et magis resaevit  
 Abrasisse reor pilos per horam,

Lentae dimidium ast habes opellae,  
 Longum supplicium; illinis liquore  
 Rursum os smegmatico, novaculâque  
 Stridenti aggredieris pilum obstinatum.  
 Malum ! Quid refricas ? Quid efferusque  
 Cultrum fers hebetissimum per ora ?  
 Caesarum ne suum hercules ! perusta  
 Ipsa tergora perdolentur illo,  
 Quem cos daedala millies rotando  
 Est depasta ? Licet sacres amico  
 Marti; namque satis bibit cruoris.

## 35.

## IN EUMDEM

Beatos, Lyce, depiles, glabrosque !  
 Ingens Scipiades tuone cultro,  
 Ut suevit, faciem in dies novasset ?  
 Jam non miror, ut ante, homunciones  
 Fuis crinibus, hispidâque barbâ:  
 Ab leae puto maluisse scymnis  
 Haud abludere, pardali ac pilosâ,  
 Quam tormenta pati novacularum,  
 Verum, quod gravius frequentiusque  
 Nostra dum labra stringis, aspereque  
 Glubis, arripiensque nasum, ut ansam,  
 Distorques caput huc, et huc, et illuc,  
 Cogis omnia et omnibus negare:  
 Nostras garrulitate rumpis aures;  
 Uvescisque ubi laetus, et tacenda,  
 Et dicenda levi seris cachinno



Nec jam tristities, silentiumque  
 Te prorsus tenet edocetque nostrum.  
 Haec peccata tibi cavenda, si vis  
 Declinare odium Vatinianum,  
 Tonstrinam facere et celebriorem.

36.

### IN EUMDEM

Utenti monitis, amice, nostris  
 Caediti, tibi dulce erit lucellum;  
 Causa non erit, oblocutor acer  
 Cur in Ticinium Menam invehatur,  
 Qui primus Siculos dedit Latinis  
 Tonsores; tibi cur et anteponat  
 Tonsorem Antiochum, poeta pessum  
 Quem dat Bilbilitanus, obruitque;  
 Non erunt graviora verba, nempe  
 Te plusquam Sinin efferum, et Procasten,  
 Dirum et Cercyona esse dimovendum,  
 Quare, si sapis, indigusque rebus  
 Tuis prospicies, tuaeque famae.

37.

### AD P. JOANNEM BAPTISTAM JULIANIUM

C. R. S.

Quale somnulus herbula in virenti  
 Fractis upilionibus labore;  
 Quale splendidior vitro, sonansque

Lassis fonticulus viarum et aestu;  
 Succusve ambrosiae, panax vel aegris:  
 Munus tale mihi tuum, Joannes  
 Lux sodalitii nova o Somaschi,  
 Unde consilium tibi, libellum  
 Ut ultro mihi mitteres refertum  
 Jucundâ sapientiâ ac lepore?  
 Certe crediderim pios benignam  
 Hanc mentem Superos tibi dedisse  
 Me ne luctificus peresset angor.

38.

## AD EUMDEM

Velim mittere ludicros, Joannes,  
 Gratus versiculos: silens cupressu  
 At pendet lyra, Musa lacrymatur.  
 Vis maturior heu! mihi sororem,  
 Et dulcem rapuit repente fratrem,  
 Quos virtute, fide modestiaque  
 Vel plus ipse oculis meis amabam.  
 Illi, illi immemores sui, suaque  
 Certantes studii aemulatione  
 Vivebant mihi, meque curitabant!  
 Quinctilis, male sit, nec auspicate  
 Mensis, o male sit tibi nefaste.  
 Sextilis, tenebris maligniores,  
 Qui omne delictum, omne gaudiorum  
 Brevi mî aegro animi abstulistis horâ!  
 Frater, lux periit corusca tecum,  
 Tecum nostra, Soror, domus sepulta est!

## AD EUMDEM

Fratris funere, funere et sororis  
Edebam lacrymis Simonideis  
Ploratus miser ipse veriores;  
Nec desiderio meo flagranti  
Carorum capitum pudor, modusve  
Erat: cum subito stupenda rerum  
Ad spectacula devocor. Verendae  
Haeret scala Trabi; Josephus inde  
Descendens locuples, genu reducit  
Superne alterum, et alterum labore  
Tendit anxifero, gradumque poene  
Ultimum pede calcatur ecce laevo  
Incumbitque operi pius. Tumescit  
Frons olli caperata magnâ opum vi;  
Presso lumine, summa et ora turgent,  
Prominentque manus tori sinistrae.  
Nam circum tunicam Asidem tegentis  
Constringens chlamydis manu sinistra  
Oram, Corpus agit, sinu explicato,  
Dextrâ et terga Dei allevat refixi,  
Ut ne mole suâ ruant iniquâ.  
Eheu qualis adest Patris perempta  
Aeterni soboles! Rigente ferro  
Confossa heu latus, heu pedes, manusque!  
Squalet barba cadens profusa dio  
Mento, conspicuae comaeque squalent.  
Regali cooperta Virgo peplo  
Stat, dolens videt; ast dolore major

Tollit brachiolum Parens utrumque  
 Complexura Deum. Velit rigare  
 Fletu et dulcia membra suaviari;  
 Dextellam velit applicare plagae.  
 Gnati pectore quae patet profunda,  
 Si, si forte fovens, acerbitem  
 Levet! Sed graviora pertimescens  
 Tantum non retrahit misella Mater.

At quis tam ferus haec tuendo ab udis  
 Temperet lacrymis? Davide Nati  
 Alter e Mariae lacertus armo  
 Cadit languidulus, recumbit alter  
 Collapsus gremio! Polum serenans  
 Ah frons candida, pendulumque collum  
 Jungitur (miserum!) Parentis ori;  
 Oclusos habet Ille Amans ocellos,  
 Semihiente labro, perinde somno  
 Securus placidissimo quiescat.

Stat contra Puer integer, Magistro  
 Jucundus socius, manente vita,  
 Demissa ex humeris decora laena  
 Sinistrum subit hinc, et hinc lacertum  
 Per pectus petit implicatque dextrum  
 Quo se dissociant sinus fluentes.  
 Passis crinibus adstat, amovetque  
 Dejectum Is pietate vultum amicâ;  
 Extincti Domini excipitque genua  
 Complexu tenero; viam nec ullam  
 Infandus lacrymis dolor relaxat.

Mens mutata mihi inter haec, nocentum  
 Et deferbuit inquietus aestus  
 Curarum; quid enim sorore stultus,



Vel quid fratre querar recens adempto?  
 Vicit nonne meos amore Jesus,  
 Me qui morte suâ volens homullum  
 Vitam ad perpetuam Deus vocavit,  
 Et fregit colubri caput superbi?  
 Nimirum haec potuit tuus libellus,  
 Scriptorum nitidissime Italorum.

40.

### AD EUMDEM

Praeclarissime Amice Juliani,  
 Opus cum Teneranium celebras  
 Summum, Phidiacâ manuque dignum,  
 Tu coloribus Alligherianis  
 Menti callidus exhibes labores  
 Divûm sic, et imagines, et actus,  
 Et rerum lacrymas, videre ut ipse  
 Sim visus mihi scripta perlegenti,  
 Non quae mollius ille Sculptor entheus  
 Finxit marmore splendidissimorum  
 In Turloniadum nitente Cellâ,  
 Verum quae stupuit Chorus supernus  
 Myrrhae in vertice, thureoque clivo,  
 Quo non Relligio rapit sequacem?  
 Petrum Relligio extulit potenter  
 Sublimem, extulit et tuam volucrem  
 Mentem, prorsus ut ambigens revolvam,  
 Uter sit prior utro in excitandis  
 Sacris motibus, ignibusque cordis.  
 Quamobrem, anxietatibus remotis,

Scio quid tibi debeam diserto.  
 Quid reddam tibi nescio, Joannes,  
 Praesto hoc, quod licet: usque et usque vivet  
 Facti gratia, me trahente vitam.  
 Si quando mihi cunque missitaris  
 Docta scripta, erit et bene, et beate.



IMPRIMATUR

Fr. Dom. Buttaoni Ord. Praed. S. P. A. Mag.

IMPRIMATUR

Ioseph Canali Archiep. Coloss. Vicesg.

Non quid illi debentur, sed  
Quod reddam illi mecum, mecum  
Fructu hoc, quod illi debet, utique vivat  
Facit gratia, me trahente vitam  
Si quando mihi cupiam, ut  
Docti scribere, et alii bene, et bene

IMPRIMATUR

Fr. Dom. Bologni Ord. Praed. S. F. A. Mag.

IMPRIMATUR

Joseph. Cassi Archiep. Coloni. Vices.